

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine na 170. sjednici, održanoj 28.01.2019. godine, donosi

ZAKLJUČAK

1. Vlada Federacije Bosne i Hercegovine u potpunosti prihvata Izvještaj o realizaciji Akcionog plana Federalne strategije zaštite okoliša 2008 - 2018, koji je pripremila Federalno ministarstvo okoliša i turizma.

2. Do donošenja i usvajanja nove Federalne strategije zaštite okoliša, Federalno ministarstvo okoliša i turizma će za redovno planiranje koristiti Program aproksimacije propisa Federacije Bosne i Hercegovine sa pravnom stečevinom Evropske unije u oblasti okoliša, koji je usvojila Vlada Federacije Bosne i Hercegovine na 92. sjednici od 23.2.2017. godine, kao i sljedeće strateške dokumente usvojene na nivou Bosne i Hercegovine:

- Strategija i Akcioni plan za zaštitu biološke različitosti Bosne i Hercegovine
- Strategija prilagođavanja na klimatske promjene i niskoemisionog razvoja Bosne i Hercegovine
- Akcioni program za suzbijanje degradacije zemljišta i ublažavanje posljedica od suša u Bosni i Hercegovini.

3. Do formiranja i uspostavljanja Federalne agencije za zaštitu okoliša i Federalnog zavoda za zaštitu prirode, uspostavu i razvoj informacionog sistema za okoliš i prirodu vršit će Fond za zaštitu okoliša Federacije Bosne i Hercegovine.

4. Nadležne institucije Federacije Bosne i Hercegovine koje raspolažu određenim podacima i informacijama za komponente okoliša (zrak, vode, zemljište/tlo, priroda, kao i vezano za upravljanje otpadom), dužne su ih redovno dostavljati Fondu za zaštitu okoliša za integralnu obradu i uspostavu jedinstvenog informacionog sistema za okoliš i izradu periodičnih izvještaja o stanju okoliša.

5. Ovaj zaključak stupa na snagu danom donošenja.

V. broj: 73 /2019
28.01.2019. godine
Sarajevo



PREMIJER

Fadil Novalić